

詩

地

理

徵

皇清經解續編卷千四十四

南菁書院

詩地理微六

嘉定朱右曾亮甫著

周頌

二王之後

箋曰二王夏殷也其後杞也宋也正義曰樂記稱武王伐紂既下車封夏后氏之後于杞投殷之後于宋史記杞世家云武王求禹之後得東樓公封之于杞是杞初封卽爲夏之後矣其殷後則初封武庚于殷虛後以叛而誅之更命微子爲殷後書序云成王既黜殷命殺武庚命微子啟作微子之命是宋爲殷後成王始命之也樂記以微子終爲殷後從後錄之書傳曰天子存二王之後與己三所以通天三統右曾案左傳曰宋于周爲

客知杞亦然也白虎通曰不臣二王之後者尊先王通天下之
三統詩曰有客有客亦白其馬謂微子朝周也尙書曰庚賓在
位不臣丹朱也攷宋爲殷後在成王二年來見祖廟應在三年
杞本先封又與宋異服不應並見蓋振鷺之詩本爲宋作以鷺
起興猶言白馬但杞來助祭亦歌此詩故序並言二王之後也
地理志曰陳留雍邱縣故杞國先春秋時徙魯東北二十一世
簡公爲楚所滅杜預曰杞本都雍邱桓六年消于公亡國杞似
并之僖十四年又遷緣陵襄二十九年晉人城消于杞又遷都
之雍邱今開封府杞縣消于故城在青州府安邱縣東北三十
里緣陵卽營陵故縣在青州府昌樂縣東南五十里

西離

傳曰雝澤也箋曰白鳥集于西雝之澤右曾案岐周之水雍水也水出鳳翔府西北三十里雍山東南流逕邵亭南又東南合杜水又南至武功縣西北逕美陽廢縣西而南入渭今謂之渾水川壅爲澤蓋雍水停滯之處在岐周西南也

翕河

傳曰翕合也箋曰河自大陸之北敷爲九祭者合爲一正義曰漢書地理志鉅鹿郡鉅鹿縣大陸澤在其北禹貢鄭注曰河水至此流盛故分爲九以衰其勢周時齊桓公塞之同爲一今河開弓高以東至平原隔般往往有其遺處溝洫志稱成帝時博士許商以爲古記九河之名有徒駭胡蘇鬲津今見在成平東光隔界中自鬲以北至徒駭開相去二百餘里今河雖數移不

離此域如商此言則徒駭在成平胡蘇在東光鬲津在鬲縣其
太史馬頰覆釜三者在成都之南東光之北也簡繁鉤盤三者
在東光之南鬲縣之北也郭璞曰鬲般今皆爲縣屬平原渤海
其餘亦不審也嚴氏曰翁河卽逆河也右曾案禹貢疏引鄭注
下尾合名爲逆河言相迎受王肅曰同逆一大河納之于海地
理志勃海郡莽更名迎河所屬縣東光有胡蘇亭南皮莽曰迎
河亭成平序沱河民曰徒駭河又平原郡鬲縣平當以爲鬲津
是漢時九河逆河之可攷者祇此爾成平故城在今河間府交
河縣東東光縣今屬河間府南皮縣今屬天津府鬲縣故城在
今濟南府德州北

春秋實乾圖云移河爲界在齊呂墳間入流以自廣鄭據此

文言塞其東流入枝并使歸于徒駭也。蔡氏曰：曲防桓公所禁，豈其塞河河水可塞？河道果能盡平平，此猶以理斷之耳。攷之左傳，管仲修言賜履，乃曰：北至于無棣，無棣者古鬲津河之所經也。自茲以北，至徒駭，猶將三百里。使果填闕自廣，曷不言北至於徒駭乎？至六國時，蘇秦說燕曰：南有遼、沱、遼之委，卽徒駭也。其說齊曰：北有勃海、勃海者，海水漸洳，逆河而爲之者也。則燕、齊之竟分於遼、沱，勃海者，戰國也。非春秋也。夫禹之疏河爲九也，因其地之近順其性之便，厥而分之，使其勢均力敵，以趨於海。旣而橫流益殺，冬春消滅，九河之或盈或涸，或通或淤，亦理所必然。後人習於安瀾置之度外，而九河不得不壞矣。河之性下流不利上流，乃決觀商之

屢遭河患則其時之九河可知也班固曰自茲距漢北亡八枝而豈一朝夕之故哉夫漢時去古未遠而九河之道許商

班固僅得其三道元注水經銳意尋討乃其言曰自鬲般東

光河開樂成以東城池並存川瀆多亡河水又曰九河既播

八枝代絕遺跡故稱往往時存漳水又曰篤馬河自西平昌

縣東入般縣爲般河蓋亦九河之一河水則亦如此已矣唐

宋以後始多異說王氏所徵殆亦傳疑之意乎徒駭地理志

河宴宇記云在滄州清馬頰郡縣志在德州安德平昌界

池縣許商云在成平馬頰字記在棣州商河縣北與地記

云卽篤覆通典在德胡蘇寰宇記在滄州饒安無棣簡潔

與地記在臨津鉤盤寰宇記在樂陵東南從德鬲津寰宇記在樂陵

安許商云在鬲縣此王氏之所攷也合簡潔爲一沿蔡氏之

輿地記在無棣

誤而太史河則闕焉今補之曰太史

齊乘云在清滄二州界元地理志在南皮縣北

簡

史記正義曰在貝州歷亭縣界

絜通攷金志並云在南皮縣

此則昔人所謂或新河而

載以舊名或一地而互爲兩說者也若夫逆河在漢勃海今天津滄州霑化以東之海無可疑也詩曰允猶翕河而篇義言巡守而祀四嶽河海尤爲切證

魯頌

譜曰魯者少昊摯之虛也國中有大庭氏之庫則大庭氏亦居茲乎在周公歸政成王封其元子伯禽于魯其封域在禹貢徐州大野蒙羽之野自後政衰國事多廢十九世至僖公當周惠王襄王時遵伯禽之法養四種之馬牧于坰野尊賢祿士修泮宮崇禮教僖十六年冬會諸侯于淮上謀東略公遂伐淮夷僖

二十年新作南門又修姜嫄之廟至于復魯舊制未徧而薨國
人美其功季孫行父請命于周而作頌正義曰明堂位云封厲
公子曲阜少昊之虛卽曲阜也應劭曰曲阜在魯城中委曲長
七八里王氏曰史記儒林傳高皇帝舉兵誅項籍國魯魯中諸
儒尙講誦習禮樂弦歌之音不絕豈非聖人之遺化好禮樂之
國哉夫齊魯之間于文學自古以來其天性也漢書地理志魯
地其民有聖人之教化故孔子曰齊一變至于魯魯一變至于
道言近正也世本周公居少昊之虛煬公徙魯史記正義曰少
昊虛卽壽邱皇甫謐曰壽邱在魯城東門之北括地志曰兗州
曲阜縣外城卽伯禽所築古魯城右曾案魯之頌非頌也特名
之頌則圻之頌矣曲阜縣今屬山東兗州府

尙書洛誥云王命作冊遷祝冊惟告周公其後陶宮詩亦云
王曰叔父建爾元子則封魯在成王七年十二月史記魯世
家則云武王既克殷封周公旦于少昊之虛曲阜是爲魯公
周公不就封于是卒相成王而使其子伯禽代就封于魯與
經傳參明者史記從後錄之與樂記言武王封微子同非其
實也管蔡廩霍封于武故以國爲號周召采於文故以采爲
號康叔南季白虎通聘作南春
秋南氏其後也猶周召也康叔後國於衛故
亦曰衛叔使武王封周公於魯者亦可曰魯公矣且禮記言
抗世子法于伯禽使與成王居說文言邾國在魯周公所誅
皆成王初魯未有國之明證蓋襄內之采不殊於圻外之封
惟周公之功尤大成王既踐奄更封其元子而采仍俾世守

之召公亦然故亦無燕公之名

國之大事在祀與戎學校尤教化之原也作新廟服淮夷作
泮宮一不見於春秋之冊匪獨春秋卽三傳亦不著焉何也
曰此春秋之所以爲春秋而三傳之所以傳春秋也嘗攷淮
夷之事而得之僖公十六年經書冬十有二月公會齊侯宋
公陳侯衛侯鄭伯許男邢侯曹伯于淮十有七年春齊人徐
人伐英氏夏滅項秋夫人姜氏會齊侯于卞九月公至自會
淮之會兵車之會也時淮夷病餽故會以謀之則公之出其
告於廟必以淮夷之故其令於國必以淮夷之故踰年而後
還必曰公至自伐淮夷矣詩人遂頌之曰淮夷攸服至于海
邦莫不率從矣

左傳公有諸侯之事未歸而滅項齊人止公
聲姜會齊侯于卞而後釋公二傳謂桓公滅

項以經觀之二傳是也英氏之役惟齊徐二國齊還而滅項其過魯也夫人會之而公與諸侯有事于淮夷是以後耳夫子曰是諸侯之事非公之功無其實而有其名夸也夸非所以愛公也正之曰至自會所謂名正而言順也泮宮之作所以教也不修教之法而飾其室宇其與築臺築囿何以異然而泮宮也非臺囿也權於名實之間則不如削之之爲愈也若夫閭宮寢廟禮之常也此春秋之所以不書也然則詩之錄魯頌何曰侯國無頌夫人而知之也名生於不足讀詩者自知之矣矧又有春秋哉而疏以爲史文脫漏則不惟不知春秋亦不知詩

坰

傳曰遠野也邑外曰郊郊外曰野野外曰林林外曰坰劉公幹

里洋經角糾糾
魯都賦曰戢武器于有炎之庫放戎馬于巨野之垆寰宇記曰
大野澤在濟州鉅野縣東五里一名鉅野澤右傳案鉅野縣今
屬曹州府

爾雅曰邑外謂之郊郊外謂之牧牧外謂之野野外謂之林
林外謂之垆自邑而出垆爲邊畔故曰遠野聘禮注曰遠郊
上公五十里侯四十里伯三十里子二十里男十里近郊各
半之周禮曰以官田牛田賞田牧田任遠郊之地是牧馬之
地必在遠郊以外鄭所謂辟民居與良田是也而郡縣志曰
垆澤俗名連泉澤在兗州曲阜縣東九里魯僖公牧馬之地
當係後人傳會不可信

泮水 泮宮

傳曰泮水泮宮之水也天子辟靡諸侯泮宮箋曰辟靡者築土
靡水之外圓如璧四方來觀者均也泮之言半也半水者蓋東
西門以南通水北無也說文曰泮宮諸侯鄉射之宮也西南爲
水東北爲牆水經注云靈光殿之東南卽泮宮也在高門直北
道西宮中有臺高八十尺臺南水東西一百步南北六十步臺
西水東西六十步南北四百步臺池或結石爲之詩所謂思樂
泮水也九域志曰襲慶府有泮宮池泮宮臺右曾案方輿紀要
曰書雲臺在曲阜縣城內東南故泮宮中僖公登臺望雲物因
名

通典兗州泗水縣有泮水此五汶之一亦曰汶水或據以說
詩非是

荆 荆楚

傳曰荆楚荆州之楚國也箋曰冒入其險阻謂踰方城之隘

殷武

篇荆謂楚也

漸漸之石序

正義曰春秋經賈氏訓詁云秦始皇父諱

楚而改爲荆亦以其居荆州故因諱而改之亦有本自作荆者
非爲諱也公羊穀梁皆言州不若國賤楚故以荆言之王氏曰
太史公云夫荆楚僞勇輕悍好作亂乃自古記之矣地理志曰
成王封熊繹于荆蠻爲楚子居丹陽輿地志曰秭歸縣東有丹
陽城方城山在唐州方城縣東北五十里右曾案穀梁傳謂之
荆狄之也聖人立必後至天子弱必先叛晉書解元命包云軫
星散爲荆州荆之言強也陽盛物堅其氣急悍也釋名云荆警
也數爲寇逆有道後服無道先疆常警備之也春秋正義云荆

楚一木二名故以爲國號亦得二名春秋經莊公十年荆敗蔡師于荖荆始見經二十三年荆人來聘始稱人僖公元年楚人伐鄭始稱楚四年有召陵攘楚之役則魯之所頌也其在商世未知楚君何人蘇氏謂卽鬼方未詳也丹陽故城在今宜昌府歸州東南杜預司馬彪並言在枝江今荆州府枝江縣西有丹陽故城後遷於郢今荊州府江陵縣北紀南城也方城山在南陽府裕州東北四十里楚之阨塞召陵城在許州鄆城縣東四十五里

舒

箋曰舒舒鳩舒鄆舒庸之屬正義曰以傳有舒鳩舒鄆舒庸又有舒龍謂之羣舒漸漸之石序地理志曰廬江舒縣故舒國龍舒縣羣舒之邑王氏曰春秋舒在今廬州舒城縣舒鳩今無爲軍巢

縣舒蓼在安豐縣舒庸東夷國謂之羣舒皆偃姓龍舒故城在無爲軍廬江縣西右曾案春秋僖公三年徐人取舒是時徐服於齊齊因用徐以取舒弱楚之黨舒遂分爲六如筴所舉外又有舒龍舒龔舒鮑見世本左傳文十二年疏括地志龍山在舒城今之龍眠山也在今舒城縣西南八十里寰宇記曰舒鮑在龍舒水南舒城西一百里大率今廬州府竟皆古舒地

泰山

正義曰泰山在齊魯之界故言所屬春秋三望公羊傳曰泰山河海鄭駁異義曰魯之竟不及河則所望者海岱淮也王氏曰史記泰山之陽則魯其陰則齊郡縣志曰泰山一曰岱宗在兗州乾封縣西北三十里

龜

傳曰龜山也郡國志曰泰山博縣有龜山水經注曰龜山在博縣北十五里右晉案春秋定十年齊人來歸鄆確龜陰之田謂田在龜山北者也今在泰安府泰安縣東北

郡縣志曰龜山在兗州泗水縣東北七十五里方輿紀要曰在泗水縣東北五十里高氏曰在新泰縣西南四十里此皆泰安府東南非所謂汶陽也蓋俗以蒙山在東者爲東蒙山
夾者爲雲蒙在西者爲龜蒙其實二山

蒙

傳曰蒙山也正義曰論語顓臾爲東蒙主謂主蒙山也王氏曰地理志云泰山蒙陰縣蒙山在西南括地志曰在沂州臨沂縣

郡縣志曰蒙山在沂州費縣西北八十里東蒙山在費縣西北七十五里龜蒙山在沂州新泰縣東南八十八里唐六典注曰在費縣輿地記曰蒙陰縣故城在新泰縣東南右曾案蒙山今在沂州府蒙陰縣南四十里費縣西北五十里孟子曰登東山而小魯卽此山也劉芳徐州記曰蒙山高四十里長六十里西北接新泰縣界一云泗水縣之龜山與蒙山相接縣互蓋二百餘里寰宇記曰蒙山在海州懷仁縣北七十五里此別一蒙山非詩所詠

大東 海邦

箋曰大東極東也海邦近海之國正義曰僖公之時東方小國見于盟會者惟邾莒滕杞而已其餘小國及淮夷蓋主會者不

列之右曾案根牟夷牟介邾薛邾之屬皆近海之邦也

鳧

傳曰鳧山也郡縣志曰鳧山在兗州鄒縣東南三十八里有曾案明一統志曰鳧山在兗州府鄒縣西南五十里連魚臺縣界在東北六十里土人呼爲八卦山云伏羲畫卦於此

繹

傳曰繹山也地理志曰嶧山在魯國嶧縣北水經注曰鄒山所謂繹山邾文公所遷城在鄒山之陽山東西二十里南北十三里高秀獨出積石相臨殆無土壤石閒多孔穴洞達相通鄒山記曰繹山魯穆公改爲鄒山郡縣志曰在鄒縣南二十二里有曾案左傳文十三年邾遷于繹宣十年伐邾取繹哀七年伐邾

邾衆保于繹則繹是邾國之山但邾本附庸服屬於魯至僖公之時乃有懸冑魚門之辱故詩人願其復周公之宇耳郭璞曰繹山純石積構連屬如繹絲然故以繹名今在鄒縣東南二十五里

常

傳曰魯南鄙箋曰常或作嘗在薛之旁春秋莊三十一年築臺于薛是與周公有嘗邑所由未聞也六國時齊有孟嘗君食邑于薛史記正義曰嘗邑在薛國之南右曾案越世家云試兵南陽以守常邾之竟索隱曰常邑卽田文所封方輿紀要曰薛城在兗州府滕縣南四十里其南十里有孟嘗集

許

傳曰西鄙箋曰許田也魯朝宿之邑春秋桓元年鄭伯以璧假許田公羊傳曰繫之許近許也括地志曰許田在許州許昌縣南四十里有魯城周公廟在其中右曾案鄭易許田始於隱八年宛來歸祊成於桓元年鄭以璧假傳公時許田屬鄭久矣但以是周公之故字故願僖公復之亦寓規於頌之意也疏謂春秋不書得許田經傳闕漏非是許昌故城在今許州東三十里許昌在魯西故曰西鄙非魯西鄙別有許邑也劉氏曰許田魯本受封之地魯有地自名許田如此則鄭國何爲易之不易又何復之有洪亮吉乾隆府廳州縣志曰許田在沂州府蘭山縣西北五十里非是

徂來

後漢志博尤來山注曰博城縣有徂來山一名尤來水經注鄒山記曰徂來山在兗州梁父博奉高三縣界今猶有美松赤眉樊崇保此山自號尤來三老後魏地形志曰泰山郡梁父縣有徂來山在北郡縣志曰徂來山在兗州乾封縣右曾案明一統志曰在泰安州東南四十里

上有紫源池玲瓏山獨秀峰下有白鶴灣州今爲府

新甫

後魏地形志曰魯郡汶陽縣有新甫山通典曰漢汶陽縣在兗州泗水縣東南右曾案方輿紀要曰宮山在新泰縣西北四十里連萊蕪縣界舊名小泰山卽古新甫山也

山上有雲衛岫東有毳杖壑西有冰

寨溪五雲洞西

宋常曾曰漢武帝易小泰山爲宮山

商頌

譜曰商者契所封之地有娥氏之女名簡狄者吞鵠卵而生契
堯之末年舜舉爲司徒有五教之功乃賜姓而封之世有官守
十四世至湯則受命伐夏桀定天下後世有中宗高宗此三王
有受命中興之功時有作詩頌之者商德之壞武王伐紂乃以
陶唐氏火正閼伯之虛封紂兄微子啟爲宋公代武庚爲商後
其封域在禹貢徐州泗濱西及豫州盟豬之野自後政衰散亡
商之禮樂七世至戴公時當宣王大夫正考父者校商之名頌
十二篇于周太師以那爲首歸以祀其先王孔子錄詩之時則
得五篇而已乃列之以備三頌著爲後王之義監三代之成功
法莫大于是矣正義曰鄭以湯取契之所封以爲代號而左傳
服虔注曰商邱地名相土契之孫因之者代閼伯之後居商邱

湯以爲號書序王肅注曰契孫相土居商邱故湯因以爲國號而鄭以爲由契封商者自契至湯雖則八遷而國號不改成湯以商受命故也漢書地理志曰周封微子于宋今之睢陽是也本陶唐氏火正閼伯之虛王氏曰鄭箋商國在太華之陽皇甫謐云在上洛商縣括地志云商州城東八十里商洛縣本商邑禹所封補傳曰地有商山因是得名右曾案六典山南道名山曰商山亦曰商阪戰國策蘇秦曰韓西有宜陽商阪之塞是也今在陝西商州東南九十里荊州記曰武關西北百二十里有商城今在商州東九十里宋都睢陽今在歸德府商邱縣南三里

書序曰自契至于成湯八遷湯始都亳從先王居孔氏曰契

居商昭明居砥石相土居商邱湯居亳見經傳有四其四未
聞王氏曰砥石或云卽砥柱在陝州陝縣亳在應天府穀熟
縣西南三十五里案水經注渭水又東逕轅都城北故蕃邑
殷契所居也世本曰契居蕃闕駟曰蕃在鄭西卽轅城也今在
華州西俗名赤城左傳祝鮀言衛取于相土之東都以會王之東蒐
又昭八年蒐于紅自根牟至于商衛杜預曰泰山奉高縣有
衛亭此疑卽相土之東土也初爲商後屬衛故曰商衛湯始都亳從先王
居先王謂嚳也嚳號高辛穀熟有高辛鎮然則湯自北亳徙
之矣北亳卽蒙亳皇甫謐以爲景亳非是在歸德府西北是契相土湯
俱有兩遷并砥石爲七其一則闕

王氏曰五邦湯居南亳後徙西亳在河南府偃師縣西十四

里囂者滎陽故城在鄭州滎澤縣西南七十里殷時敖地相
在相州內黃縣東南十三里耿在絳州龍門縣東南四十里
括地志盤庚都偃師西亳案以上辨見前

史記云武乙去亳徙河北世紀云帝乙徙朝歌

三亳皇甫謐云二在梁國一在河洛之間穀熟爲南亳湯所
都也蒙爲北亳亦曰景亳湯所受命也偃師爲西亳盤庚所
遷也黃氏曰南亳今穀熟縣北亳今考城縣亳殷今偃師縣
案景亳卽西亳非蒙也辨詳後

微子之去殷也見於書紀於論語其封宋也著於書序章章
也其抱樂器而奔周者太師疵少師疆也

史記漢書

載圖法而歸

周者內史向摯也

呂氏春秋

持祭器而面縛銜璧造於軍門者紂

子祿父也而楚逢伯誤以祿父爲微子史遷遂筆之宋世家
夫微子之去不知在殷畿內與抑歸於宋邑與是未可知然
既去矣牽羊肉袒何爲者且有祿父在祭器何爲者此固不
待辭闢者矣若其封宋也樂記謂武王下車而投之投者舉
徙之辭曰於宋者從後錄之而非其實也微子本封在上黨
壺關地形志壺關有微子城近志潞安府潞城縣東北
二十里有微子嶺下有微子村縣東有微子城而京
相璠云東平壽張縣西北三十里有故微鄉杜預曰微鄉有
微子冢則或武王徙之於此未可知微亦作鄆宋魯竟上邑
以其近宋故後遂封之
商邱然是微也非宋也亦未爲殷後也迨成王二年既黜殷
命殺武庚於是遂命微子代殷後建國於宋斯又不可須臾
緩矣何者入殷之時未及下車而封先王之後武庚既黜商

先哲王不祀忽諸微子之命可一日緩哉既黜殷命卽命微子代殷後天命不敢一日稽也而鄭氏發墨守云周公攝政六年制禮作樂封殷之後稱公子宋烏乎是豈知聖人之心者哉

殷商 殷土

箋曰自契至湯八遷始居亳之殷地書序曰盤庚五遷將治亳殷鄭氏曰治于亳之殷地商家自此徙而改號曰殷孔氏曰成湯之初以商爲號及盤庚後爲殷或取前後二號而言之又曰殷是亳地之小別右晉案地理志曰河南偃師縣尸鄉殷湯所都皇甫謐曰盤庚遷殷卽偃師也

九有

九圍九有韓詩作九域

傳曰九州也正義曰九分天下各爲九處規圓然故謂之九開
易氏曰殷人九州之制不見經傳爾雅云兩河閒曰冀州河南
曰豫州河西曰豳州漢南曰荊州江南曰揚州沛河閒曰兗州
沛東曰徐州燕曰幽州齊曰營州其九州之名與夫疆域所至
與舜典異又與禹貢異先儒以爲殷制由今攷之有舜之幽營
徐而無青梁并是青入于徐梁入于豳并入于冀也旣分禹貢
冀州之竟而復舜之幽州又併青于徐而復舜之營州殷之九
州粲然可攷而山川道里亦以類舉右曾案青入于徐當云改
青爲營郭璞曰營州自岱東至海疏曰營州卽青州地博物志
云營與青同是也但禹貢青州跨海而有遼東此時遼東不知
屬幽乎屬營乎未詳也豫揚荊徐之名雖同舜禹而漢南曰荊

江南曰揚則取禹貢豫州漢南至荆山之地以益荆取荊州九
江即洞庭大別以東之地以益揚取揚州江北至淮之地以益徐
豫且荆曰漢南則梁州嶧冢以東當亦入荆不獨并雍也此皆
可攷而知者也楊用修曰春秋命厥敎人皇氏依山川土地之
勢度爲九州謂之九圍圍古文省作有

有城

傳曰有城契母也箋曰有城氏之國呂氏曰史記云桀敗于有
城之虛奔于鳴條當在蒲州右曾案湯伐桀升自陶駁于鳴條
陶在河曲之南鳴條在安邑之西則有城當在陶東鳴條西

呂氏春秋有城氏之佚女淮南子有城在不周之北朱子曰
恐不應絕遠如此案不周疑卽中條雷首之別名也

都縣志
桀與章

顧之君拒湯于有莘之虛遂戰于鳴條之野此蓋
帝王世紀之文莘城雙聲然則有城卽有莘矣

韋

傳曰有韋國者箋曰韋豕韋彭姓也王氏曰鄭語祝融其後八
姓彭姓豕韋左傳注東郡白馬縣有韋城郡國志作韋鄉通典
滑州韋城縣古豕韋國右曾案鄭語云大彭豕韋爲商伯又云
豕韋諸稽則商滅之矣韋昭曰豕韋彭姓之別殷衰二國相繼
爲商伯其後世失道殷復興而滅之左傳云夏孔甲嘉劉累賜
氏御龍以更豕韋之後杜預云劉累代彭姓之豕韋累尋遷魯
縣豕韋復國至商而滅累之後世復承其國爲豕韋氏據此則
彭姓先封豕韋孔甲之世劉累更之累遷魯縣彭姓復國是湯
所伐者彭姓豕韋也湯伐之而不滅其國故後世得爲商伯明

一統志廢韋城縣在滑縣東南五十里

古大河經此曰韋津亦曰境津又曰圍津

顧

漢書古今人表作韋鼓

傳曰有顧國者箋曰顧昆吾皆已姓也王氏曰鄭語祝融後八

姓已姓昆吾蘇顧郡縣志曰顧城在濮州范縣東二十八里

實字

記在東南

夏之顧國右曾案左傳哀公二十七年公會齊侯邾子盟

于顧杜預云齊地卽此今在曹州府范縣東南五十里

昆吾

傳曰有昆吾國者箋曰湯先伐韋顧克之昆吾夏桀則同時誅

也正義曰昭十八年左傳云二月乙卯周毛得殺毛伯遏萇宏

曰毛得必亡是昆吾稔之日也檀弓注云桀以乙卯亡王氏曰

鄭語云昆吾爲夏伯韋昭曰昆吾祝融之孫陸終第二子名樊

爲己姓封于昆吾昆吾衛是也其後爲夏伯遷于舊許傳曰是
之皇祖伯父昆吾舊許是宅左傳云衛侯葬于北宮見人登昆
吾之觀杜預云衛有觀在古昆吾之虛今濮陽城中郡國志曰
東郡濮陽縣古昆吾國括地志曰濮陽縣古昆吾國故城在縣
西三十里昆吾臺在縣西百步顧帝城內周迴五十步高二丈
卽昆吾虛也通典曰濮州濮陽縣卽昆吾之虛亦曰帝邱郡國
志又曰河東安邑縣有昆吾亭湯伐桀戰處此劉瓛引帝王世紀之文實字
記曰解州安邑縣有昆吾亭蓋湯伐桀之時昆吾以兵助桀同
時而滅故有亭非國于此也右晉書濮陽故城在今大名府開
州西南昆吾本國也舊許卽許昌故縣在今許州東昆吾所遷
也昆吾亭在今解州安邑縣西南一里其亡處也

夏

樊起曰夏桀之居左河沛右泰華伊闕在其南羊腸在其北書序注曰桀都安邑湯升道從厠厠在河曲之南戰于鳴條之野

地在安邑之西郡縣志曰安邑故城在陝州夏縣東北十五里

高侯原

侯一作嶽史記正義引括地志作高涯原

在安邑縣北三十里原南坂口卽

古鳴條陌也戰地在安邑西桀自安邑東入山出大行西南三

十里有厠山右曾案寰宇記曰禹自安邑都晉陽桀徙安邑明

一統志鳴條岡在安邑縣北二十里方輿紀要曰安邑縣在解

州東五十里東北至夏縣五十里夏縣本安邑縣地夏城在夏

縣西北十五里一名禹王城城內有青臺或謂之塗山氏臺是

鳴條在桀都之西也

寰宇記曰安邑東北七十五里有鳴條陌陌在縣北二十里

紀要又言

中條一名陋山

氏羌

箋曰氏羌夷狄國在西方正義曰氏羌之種漢世仍存其居在秦隴之西王氏曰山海經云伯夷父生西岳西岳生先龍先龍是始生氏羌氏羌乞姓說文曰羌西牯羌戎牧羊人从人牧羊地理志云隴西郡有氏道羌道賈捐之云武丁成王殷周之大仁也然地東不過江黃西不過氏羌後漢西羌傳云武丁征西戎鬼方三年乃克故其詩曰自彼氏羌莫敢不來王顏師古注漢志云氏夷種名羌卽西域媼羌之屬也爾雅正義云戎類者羌括地志云隴右洮岷叢等州西羌也黃氏曰羌本姜姓今疊宕松諸州皆羌地右曾案氏羌蓋本一種卽耆羌也春秋有姜

戎其別在中國者與洮州今爲廳與岷州同屬甘肅鞏昌府疊

州城在洮州廳南百八十里宕州城在岷州南百二十里松州

今四川之松潘廳也

始皇紀正義引括地志臨洮卽今洮州在

扶松府以西並古諸羌地案臨洮故

城在今臨洮府西南二百二十里

裴松之稱魏略云氏人自漢置武都郡

今階州

排其種人分竄

山谷間或在福祿或在汧隴左右其種非一稱槃瓠之後或

號青氏或號白氏或號蚺氏此蓋蟲之類而處中國人卽其

服色而名之也其自相號曰蓋稚各有王侯西羌傳曰氏者

西戎之別在冉駹東北廣漢之西後漢書曰鼂牛種越巂羌

是也白馬種廣漢羌是也參狼種武都羌是也又曰羌無弋

爰劍後爲十七種景帝時求守隴西塞于是徙羌于狄道安

故至臨洮氏道羌道

狄道在今隴州府狄道州西南安故在

西南二百二十里羌道

在隴州西南百六十里臨洮在狄道州

昌府階州北氏道未詳

所在魏略曰敦煌西域之南山中從

姑羌西至蔥嶺數千里

西域傳姑羌去陽關千八百里去長安六千三百里有月氏餘

種蔥苪羌白馬黃牛羌各有酋豪黃牛羌各有種類孕身六

月生南與白馬羌鄰晉書姚弋仲載記禹封舜少子于西戎

世爲羌酋其後燒當雄于洮罕之閒隋書曰党項羌三苗之

後古析支之地漢西羌之別種有黨項白狼皆自稱獼猴種

通典曰宕昌羌鄯至羌以後魏時興通攷云唐宋閒有白蘭

白狗羌

景山

補傳曰景山商都之望也商都帶河盤庚所謂惟涉河以民遷

是也今亳有景山故曰景亳右曾案曹植洛神賦逕通谷陵景
山李善注稱河南郡圖經曰景山在緱氏縣南七里隋書地理
志曰河南郡緱氏有景山實字記曰景山在緱氏縣東北八里
輿地志曰在偃師縣南二十里商頌景山指此今偃師縣屬河
南府景山唐天祐元年更名太平山

西亳卽景亳以景山名也昭四年左傳商有景亳之命杜預
曰河南鞏縣西南有湯亭郡國志注引皇覽曰河南偃師有
湯亭有湯祠晉太康地記曰尸鄉南有亳坂晉書嵇含傳家
在鞏縣亳邱自號亳邱子晉省偃師入洛陽鞏二縣故云今偃師縣西十四
里槐廟村卽古亳邑鄉也孫氏星衍曰梁葛從周碑歸葬于偃師亳邑鄉今從周墓在槐廟村
其北亳亦曰蒙亳湯爲諸侯時居之漢書地理志山陽郡薄

縣臣贊曰湯所都續志梁國薄縣彪自注故屬山陽湯所都此在春秋宋地也左傳莊十二年公子御說奔亳傳二十二年會于薄以釋宋公哀十四年桓魋請以寧易薄杜預曰梁國蒙縣西北有亳城是也而皇甫謐以爲卽景亳故括地志云宋州北五十里大蒙城卽景亳湯所盟地寰宇記云景山在應天府楚邱縣北三十八里高四丈路史注引九域志景山在澶以證其爲景亳夫四丈之山與邱陵等耳烏足以表地乎

皇清經解續編卷千四十四終

仁和葉維幹校
上海范本禮校

皇清經解續編卷千四十五

南菁書院

詩地理徵七

嘉定朱右曾亮甫著

詩譜

大庭

正義曰鄭注中候敕省圖以伏羲女媧神農三代爲三皇大庭神農之別號王氏曰帝王世紀神農營曲阜故春秋稱魯大庭之庫劉公幹魯都賦曰戢武器于有炎之庫右曾案續漢書郡國志魯國魯縣有大庭氏庫杜預曰在魯城內譙周曰曲阜城東有大庭坡炎帝所居也今在山東兗州府曲阜縣東

左傳正義引服虔曰在黃帝前子華子以爲在伏羲前世紀謂在伏羲後右曾案通攷神農都陳別營曲阜又鄭列之於

軒轅前則謂卽炎帝者可信

軒轅

右曾案水經渭水注軒轅谷水出南山軒轅溪姚瞻以爲黃帝生于天水在上邽城東七十里軒轅谷其水北注涇谷水今陝西鞏昌府泰州西六十里有上邽故城

高辛

右曾案宋忠曰高辛地名帝系譜曰帝偕年十五佐顓頊有功封爲諸侯邑于高辛路史今南京穀熟高辛鎮也在縣西南四十五里穀熟古南亳也帝嘗居之湯又居之故書序曰湯始居亳從先王居今河南歸德府東南四十里穀熟城也

虞

王氏曰括地志故虞城在陝州河北縣東北五十里虞山之上
皇甫謐云堯以二女妻舜封之于虞今河東大陽虞山虞城是
右曾案左傳自幕至于瞽瞍無違命言世有國土不廢天命也
尙書有鯀在下曰虞舜則舜之先已國於虞至瞽叟失國乃以
國爲氏及堯復封舜於此遂爲有天下之號今山西解州平陸
縣東北有古虞城

有夏

王氏曰帝王世紀禹受封爲夏伯今河南陽翟是也地理志潁
川郡陽翟夏禹國右曾案史記武王曰其有夏之居營周居于
維維邑徐廣曰夏居河南初在陽城後居陽翟劉昭引汲冢書禹
都陽城今河南府登封縣東南有陽城故城陽翟則今禹州也

陶唐

王氏曰世紀堯始封于唐今中山唐縣郡縣志曹州定陶故城堯所居也堯先居唐故曰陶唐氏右曾案堯始封中山卽帝位都太遠又徙平陽復居定陶唐縣今屬直隸正定府定陶今屬山東曹州府

共和

王氏曰古史共伯和者厲王時之賢諸侯也諸侯皆往宗焉因以名其年謂之共和凡十四年案汲冢紀年共伯和干王位故曰共和左傳王子朝奔楚告于諸侯曰厲王戾虐萬民弗忍居王于蕤諸侯釋位以間王政宣王有志而後效官則厲宣之間諸侯有去其位而代王爲政者矣莊子曰共伯得乎邱首釋文

云其山在河內其縣西魯連子曰其伯後歸于國得意其山之
首郡縣志衛州其城縣本屬其伯國其伯奉王子靖立爲宣王
其伯復歸于國右魯案地理志河內郡其故國孟康曰其伯入
爲三公者也今河南衛輝府輝縣治古其城

周本紀曰厲王三十四年王益嚴又三年王出奔彘召公周
公二相行政號曰共和案此馬遷之謬說也傳曰諸侯釋位
以閒王政周召王朝卿士不得爲諸侯卿士攝政不可謂釋
位子朝冀諸侯助已故歷舉諸侯之勤王者以爲準的非有
望於劉單二子也或曰禮諸侯不生名和何以名曰厲王之
末國人瓦解其伯以諸侯入爲三公欲擁立太子則厲王猶
在且懼民之或甘心焉其伯於是不得已而攝王政則必盟

誓以要之祝詛以壹之周禮司盟邦國有疑寧其盟約之載
 詛祝作盟載之詞敘邦國之信用是也春秋踐土之盟曰晉
 重魯申鄭捷齊潘宋王臣莒茲父晉伐齊禱于河曰齊環皆
 以名係國盟誓之詞曰共和民因以目之曰共和史亦書之
 曰共和元年耳迨厲王薨宣王長然後返其政而消搖乎邱
 首所謂宣王有志而後效官也況周秦古籍如莊子見上郭
 和者周王之孫懷道抱德食封于其厲厲王奔莒諸
 王之難諸侯立之立之不喜廢之不怒魯連子厲王奔莒諸
 天子事汲冢紀年厲王十三年王在莒共伯和干王位二十
 十四年為王見史記索隱其伯和修其行好賢仁而海內皆來為
 隱及莊子釋文曰覽其伯和修其行好賢仁而海內皆來為
 矣章章較著賢於史記孤說矣

徐吳楚江黃六蓼邾滕紀莒

王氏曰徐國泗州臨淮縣徐城鎮今安徽泗州東南百九十里

地志大徐城在吳國平江府吳縣今江蘇常州府無錫縣東南

其縣北四十里蘇州府楚國初都丹陽今歸州秭歸縣東南七里後徙枝江今江

陵府枝江縣江陵今文王都郢今江陵縣之紀南城是江國在

汝南安陽縣安陽故城在蔡州新息縣西今汝南府正陽縣東南有江城黃國

在汝南弋陽縣今光州西六國六國廬江六縣故

城在安豐軍安豐縣南百二十里泉絲所封在今廬州府蓼國

在安豐縣杜預曰安豐縣蓼縣蓼縣隋改置霍邾國邾國襲慶府鄒縣

襲慶今滕國徐州滕縣西南十四里滕城縣今屬紀國青州壽

曰兗州光縣有紀故城莒國密州莒縣沂州府右曾案譜云徐及吳

楚僭號稱王今棄其詩夷狄之也江黃六蓼之屬驅陷于彼俗

楚青經釋賁漏詩地理徵七四

又亦小國邾滕紀莒之等夷其詩蔑而不得列於此是說諸國所以無風之意也夫徐之僭號在穆王之末變風作於夷王而夷王之世楚亦僭號若吳爲周之尊屬至諸樊乃始稱王耳所以無風者將由僻在海濱不通中國故邠觀左傳晉巫臣通吳於晉吳於是始通於上國則前此輶軒之使所不到矣則攷成康以後至於懿孝歷年百餘載豈無可歌詠者而風雅俱軼意者幽王之亂圖籍與故都俱淪文章偕法物共失彼江黃紀莒誠碌碌無足數若蔡衡同是文昭衡存而蔡佚韓晉俱爲武穆韓佚而晉存秦鄭爲新造之邦乃多篇什燕許亦先王之自絕無遺文殆爲是歟若謂時不作詩則雅頌應須巨手闢巷豈乏風謠若謂有而不足錄則季札觀樂之年猶是太師編詩之舊

而於今篇第未嘗增多何也由是言之太史公三千餘篇之說
信乎否乎凡詩名從所作之風不入所述之國故木瓜美齊桓
而入衛詩嗟刺魯莊而屬齊若然則載馳爲許國之
風泉水竹竿爲別國之詠而今附於邾邾衛得毋許風既
載孤存一篇不可以別錄故附之邾乎泉水竹竿亦其例

大行

述征記大行首始于河內郡縣志在懷州河內縣北二十五里
修武縣北四十二里武德縣北五十里右曾案史記吳起曰般
紂之國左孟門右大行地理志大行在河內山陽縣西北舊說
大行有八陁首始河內北至幽州今攷井陘以北則恆山也其
南滏口陁在鄴今河南彰德府臨漳縣其南白陁在衛輝府輝
縣輝縣連淇縣竟則古朝歌也其西南大行陁在懷慶府城北
其西軹關陁在懷慶府濟源縣

衡漳

禹貢鄭注漳水橫流入河謂之衡漳薛氏曰濁漳水出潞州長子縣東至磁州武安縣入清漳清漳水出平定軍樂平縣合摩沱易水東北至滄州清池入海易氏曰洺州洺水縣本漢斥漳縣地有衡漳故瀆俗名阿難渠在縣西二百步右曾案地理志清漳水出上黨沾縣大壘谷東北至渤海阜城入河此自商末以至西漢漳水入河之道也地理志又云鄴東有故大河此卽禹所導之河漳水入河應卽在鄴鄴南距紂都百餘里耳史記祖乙遷邢邢今爲順德府又曰紂盈鉅橋之粟益廣沙邱苑臺許慎曰鉅鹿水之大橋有漕粟括地志曰沙邱臺在邢州平鄉縣東北二十里正義曰紂稍大其邑南距朝歌北據邯鄲及沙

邱皆爲離宮別館依此則商畿北界去鄴殆四五百里

桑土之野

禹貢兗州桑土旣蠶注曰其地尤宜蠶桑因以名之蔡氏曰兗地宜桑後世之濮上桑閒猶可驗孔氏曰今濮水之上地有桑閒樂記注曰桑閒在濮陽南王氏曰今開德府濮陽縣右曾案桑宜下隰故曰隰桑有阿兗地居洹河下流東鄰齊魯太史公曰齊魯千畝桑其人與千戶侯等秦湛蠶書曰子游洹河之間見一婦不蠶比屋習之此桑土桑閒所以著名歟

周東都王城

續漢志河南縣周公所城雒邑也春秋時謂之王城東城門名鼎門北城門名乾祭雒陽縣周時號成周帝王世紀曰河南城

西有邲鄆陌地道記曰王城去維城四十里郡縣志河南府禹貢豫州之域在天地之中故三代皆爲都邑陽翟夏城禹都也偃師西亳湯都也周成王定鼎于邲鄆使召公先相宅乃卜澗水東澶水西是爲東都今苑內故王城是也又卜澶水東召公往營之是爲成周今河南府故洛城是也右曾案宅維者武王之志周公成之度邑解武王曰自洛汭延于伊汭居易無固其有夏之居我南望過于三塗北望過于有嶽丕顧瞻過于河宛瞻于伊雒無遠天室此武王欲依天室以定天保也周公營維伏生鄭氏竝謂在攝政五年而康誥云惟三月哉生魄周公初基作新大邑于東國洛似四年已營洛者然初基爲始謀作之蓋謀之于四年而營建于五年作維解曰作大邑成周于土中

城方千七百二十丈郭方七百里南繫于洛水北因乎邙山以爲天下漕是也

太華外方之間

郡縣志太華山在華州華陰縣南八里嵩高山在河南府登封縣北八里亦名外方山

河陽 冀州之南

郡縣志曰河陽縣南城在縣西四面臨河卽孟津之地亦謂之富平津冀州之南河內襄王以河內賜晉文公右曾案河陽古之孟地大河在南卽孟津也其南岸謂之武濟亦曰富平津河陽故城在今懷慶府孟縣西南三十里河在縣南十八里九域志懷州南至河陽七十里河陽東南至格陽百六十二里冀州之南卽

禹貢覃懷之地今之懷慶府及山西垣曲陽城二縣之南竟皆故周畿內地

戲

郡縣志古戲亭在京兆府昭應縣東北三十里幽王陵在縣東北二十五里右曾案史記犬戎殺幽王驪山之下潘岳西征賦軍敗戲水之上身死驪山之北蘇林曰戲在新豐東南三十里方輿紀要戲水在西安府臨潼縣東三十里源出驪山鴻谷東經戲亭北入渭

咸林 京兆鄭縣

郡縣志古鄭城在華州鄭縣西北三里鄭縣其地一名咸林世本桓公居咸林宋忠曰舊地名封桓公乃名爲鄭史記魏築長

城自鄭濱洛今州東南三里魏長城是也秦紀武公十一年初
縣鄭右曾案史記宣王立二十二年友初封于鄭封三十二歲
幽王以爲司徒鄭縣本華州治明省縣入州今華州屬同州

沛洛河潁之間

韋昭曰謂左沛右洛前潁後河王氏曰沛水自溢處東南流二
百三十里至鄭州滎澤縣又云沛水在沛源縣西北三里平地
而出有二源東源周回七百步深不
可測西源周回六百八十五步深一丈山海經云王屋之山潁
水出焉郭璞云潁沈水之源沈水出王屋縣王屋山東流至沛
源縣而名沛水又南流一百二洛水出商州洛南縣西冢領山
十里而入河案已上非鄭地也東北流至河南府鞏縣東經洛汭北對琅邪渚謂之洛口亦名
什谷而入河河經鞏縣又東流經孟州汜水縣本成皋縣一名
虎牢潁水出河南府陽城縣陽乾山自汝州襄城縣流入潁昌

府長社縣自長社流人臨潁縣自順昌府汝陰縣流入潁上縣至壽春府下蔡縣入淮右曾案禹貢涕潁爲滎東出于陶邱北陶邱滎澤之間本不相通其後遺滎爲川職方氏豫州其川滎雒穆天子傳浮于滎水是也亦曰涕水自故滎陽縣東逕原武陽武封邱涕陽而出定陶之竟在鄭東北故曰左涕洛水入河在鞏縣故城東北三十里今鞏縣北少東八里今縣隋所徙也宋元豐中引洛入汜水遂東至汜水縣東在鄭西北故曰右洛河水見鄭地彭滿家口入河非古洛納矣消軸潁水有三源右水出陽乾山之潁谷山在今河南府登封縣東二十五里中水導源少室通阜山在登封縣西十七里左水出少室南溪三水合一東入禹州界又東南過許州及臨潁扶溝二縣又東過西華太和潁上縣北又東南至壽州西北入淮謂之潁尾

號

東魏號仲之後水經注索水東逕魏亭南應劭曰滎陽故魏國
左傳注魏今滎陽右曾案魏都于制左傳曰制巖邑也魏叔死
焉地理志東魏在滎陽其地在今開封府滎澤縣西南非北制
也北制一名虎牢六國時曰成臯今爲汜水縣左傳襄十年諸
侯城虎牢而戍之又言晉師城梧及制隱五年傳制人敗燕師
于北制是二制非一地也徐廣注史記云魏在成臯水經注括
地志郡縣志通典俱沿其誤

鄆

國語鄆之亡也由仲任注曰鄆妘姓之國爲鄭武公所滅春秋
鄭伯克段于鄆右曾案杜預曰鄆潁川鄆陵縣郡國志鄆陵春

秋時曰鄆高士奇曰鄭既滅鄆初仍其故名後改鄆陵戰國時又曰安陵今開封府鄆陵縣西南四十里有故城

王氏曰地理志陳留郡偃縣應邵曰克段于偃是也郡縣志故鄆城在宋州甯陵縣南五十三里史記韓世家秦伐敗我鄆案此在春秋爲宋地韓世家鄆徐廣亦云潁川鄆陵蓋應氏李氏誤證也

薇補丹依

右會案春秋宣十二年晉楚戰于邲邲讀若弱又長言之讀爲泌皆與薇聲相近特音有清濁耳京相璠曰邲在敖北通典曰鄭州管城縣有邲城在南管城鄭州治明省縣入州今鄭州屬開封府補丹依三邑未詳

疇

國語作疇

周語摯疇之國由太任注曰二國任姓右曾案卽左傳肇也杜預曰肇本鄭地南陽肇縣其地在汝水南所謂汝陰之田也初文王封畛于汝肇始入楚其後迭屬楚鄭今汝州魯山縣東南五十里故肇城是

厯

右曾案卽左傳櫟也史記索隱曰櫟卽鄭初得十邑之厯服虔曰櫟鄭之大都杜預曰河南陽翟縣今爲禹州

華

國語作華

水經注黃水東南流經華城西韋昭曰華國名史記秦昭王三十四年白起攻魏拔華陽走芒卯司馬彪曰華陽亭名在密縣

括地志云故華城在鄭州管城縣南三十里右曾案管城南則

新鄭東北也

華陽以華水得名華水見渠水篇注

而下文云前華後河

國語亦作華王氏引

郡縣志故華城在汴州陳留縣東北三十五里亦在鄭東北也

補檢地志鄭南無華地竊疑前

華之華當係穎字之譌上文云涉洛河穎之間此云前穎後河

右洛左涉正相應合但其說已久故鄭章亦不能辨云

鄭語曰主芣驍而食溱洧又曰惟謝邾之間是易取也注曰芣

驍山名間謂邾南謝北就邾在焉邾後屬鄭鄭衰楚服之郡縣

志大驍山在河南府密縣東南五十里本具茨山黃帝見大隗

于具茨故亦曰大驍邾城縣本鄭地屬汝州右曾案大隗山在

今新鄭縣西南四十里溱水出焉邾周之邾邑以邾山而名山

即洛北邾山

史伯舉謝邾之間以明號邾等邑明非楚鄭間之邾矣

東至于海西至于河

吳公子札曰表東海者其太公乎齊語曰通魚鹽于東萊爾雅
十藪齊有海隅齊世家曰自泰山屬之琅邪北被于海地理志
曰太公以齊地負海島鹵通魚鹽之利漢田肯曰齊東有琅邪
卽墨之饒王氏曰琅邪今密州東至大海一百六十里卽墨縣
屬萊州海在縣東四十三里又在縣南百里卽墨故城在膠水
縣東南六十里右曾案管子所指蓋青州府東北百八十里之
勃海在樂安壽光博興三縣界非登萊之大海也是時萊介夷
諸國尙在故桓公正封疆東至于紀鄒明安平以東非齊地矣
及靈公滅萊然後壤地極乎大海故晏子舉齊竟曰始尤以西
春秋後又滅莒故曰有琅邪卽墨之饒前乎此者固未有也西

至于河詳鄆風河水及周頌翁河

南至于穆陵

郡縣志穆陵山在沂州沂水縣北百九十里右曾案今青州府臨朐縣東南百五里大峴山上有穆陵關山高七十丈周二十里道徑危惡僅容一軌

北至于無棣

郡縣志滄州鹽山縣本齊無棣邑漢置高成縣屬勃海郡隋改鹽山無棣河在饒安縣南二十里無棣縣隋置以南臨無棣溝爲名右曾案鹽山今屬直隸天津府高成故城在鹽山縣南饒安故城在天津府滄州東北無棣故城在山東武定府海豐縣北三十里

岱山之陰濰淄之野

史記泰山之陽則魯其陰則齊齊帶山海膏壤千里左傳晉伐齊東侵及濰禹貢注濰水出密州莒縣濰山東北至青州傳興縣入海淄水出淄州淄川縣原山東至青州壽光縣入海

紀

右曾案地理志菑川國劇縣應劭曰故紀國晏謨齊地記曰紀城西去齊城九十七里

雷首之北析城之西南枕洹曲北涉汾水

郡縣志雷首山一名中條山在河中府河東縣南十五里陝州安邑縣南二十里析城山在河南府王屋縣西北六十里峰四面其形如城有南門焉故曰析城在澤州陽城縣西南七十五

里右曾案河東縣今爲蒲州府治永濟縣安邑縣今屬解州王屋故城在懷慶府沁源縣西八十里河曲汾水並詳魏風

耕歷山陶河濱

郡國志河東蒲坂縣注縣南二十里有歷山舜所耕處括地志蒲州河東縣雷首山亦名歷山南有舜井陶城在縣北三十里郡縣志媯汭水源出河東縣南雷首山縣卽古蒲坂城也城中有舜廟城外有舜宅及二妃壇故陶城在縣北四十里

恒山

郡縣志在定州恒陽縣北百四十里王氏曰今曲陽縣方曾案卽北嶽也史記正義稱道書福地記曰恒山高三千三百丈上方二十里有太元之泉

太岳

郡縣志霍山一名太岳在晉州霍邑縣東三十里禹貢鄭注今河東旄縣霍太山是也右曾案霍太山唐虞以爲中岳括地志云在沁州沁源縣西七八十里

鳥鼠之山

爾雅山海經注其鳥爲鷖其鼠爲鼯其處一穴鼠在內鳥在外故山以爲名禹貢注鳥鼠共爲雌雄張氏地理記曰不爲牝牡郡縣志鳥鼠山今名青雀山在渭州渭源縣西七十六里渭水所出凡有三源其同穴鳥如家雀色小青其鼠如家鼠色小黃右付案地理志隴西首陽縣鳥鼠同穴山在西南山今在蘭州府狄道州東百里鞏昌府渭源縣西二十里

王氏又引沙州記寒嶺去太陽川三

十里有雀鼠同穴山
案此別一鳥鼠山也

汧渭之閭

地理志汧水出右扶風汧縣西北入渭括地志故汧城在隴州
 汧源縣南三里世紀曰襄公徙居汧卽此城郡縣志汧水在隴
 州汧陽縣南一里渭水在南由縣南四十里本汧縣地右曾案
 水經注曰渭水度小隴山郡縣志在秦逕南由縣南故城在今隴州東南
 百二里又東入散關又東逕陳倉縣南故城在今寶雞縣東北二十里又東逕
 郁夷縣故城南汧水入焉汧水出汧縣之蒲谷鄉弦中谷東逕
 汧縣故城北在今隴州東南又東逕隃麋縣故城南在汧陽縣東三十里縣西去隴州九
 十里又東逕郁夷縣平陽故城南在郿縣西四十六里東流注于渭汧渭之
 閭蓋隴州之地渭北汧南也

荆岐終南惇物

地理志北條荆山在左馮翊懷德縣南垂山古文以爲惇物在右扶風武功縣東郿縣志荆山在京兆府富平縣西南二十五里在岐山東武功蓋在渭水南今鳳翔府郿縣地右曾案帝王世紀黃帝采首山銅鑄鼎荆山下又云禹鑄鼎于荆山下有荆渠今在西安府富平縣西南十里山南有懷德故城惇物山在乾州武功縣東南二百里故武功城在鳳翔府郿縣東四十里

迤山

右曾案方輿紀要富平縣西南二十五里有迤山

明緒

明緒禹貢謂之孟豬職方氏謂之望諸春秋傳謂之孟豬

左傳文十

年宋逆楚子遂道以田孟諸爾雅史記謂之明都漢志謂之盟
十數呂氏春秋九數宋有孟諸

猶其實一也郡縣志孟諸澤在宋州虞城縣西北十里周回五
十里俗號明諸澤漢志在梁國睢陽縣東北王氏曰虞城本漢
虞縣蓋此澤介乎二邑之間右曾案今歸德府治東北有孟諸
澤接虞城縣界自府西南至陳州府二百八十里故曰東不及
明諸

榮波

郡縣志榮澤在鄭州榮澤縣北四里禹貢泚水今不復入鄭康
成謂榮澤今塞爲平地榮陽民猶謂其處爲榮澤右曾案史記
索隱曰古文尙書作榮波此及今文竝云榮播播是水播溢之
義榮是澤名謹案說文播水在河南榮陽潘古亦作番

史記吳
伐楚取

番卽左傳許君讀本今文爲說古文作波則讀播短言之耳非
潘子臣也爾雅水自隄出爲波及職方其浸波澁之波也爾雅波水見水
經河水及洛水注洛水又東門水出焉所謂洛別爲波者也周
禮波水見水經澁水注波水出孤山俗名歇馬嶺東南入澁馬
融廣成頌所謂浸以波澁者也一在檜西南俱數百里二波之
外又有入穀之波山海經贍諸山西三十里婁涿之山波水出
于其陰北流注于穀亦在滎陽之西非滎波之波也

陶邱

帝王世紀舜陶于河濱卽禹貢之陶邱今沛陰定陶西有陶邱
是也爾雅曰再成爲陶邱漢志在定陶西南陶邱亭水經注墨
子以爲釜邱竹書紀年魏襄王十九年髡侯來會于釜邱髡氏

曰陶邱在廣濟軍定陶縣右曾案定陶縣秦置漢屬沛陰郡陶邱在縣西南晉時移縣包陶邱爲城故杜預曰曹國沛陰定陶縣郭璞曰陶邱在定陶城中隋析定陶置沛陰縣爲曹州治唐貞觀初省定陶入之故郡縣志及通鑑地理通釋並曰曹州沛陰縣本曹國地曹國在州東北三十七里故定陶城是也今曹州府治荷澤縣本金大定二十七年所移曹州故址明初以水患再徙遂廢州爲縣今之曹縣是也正統十一年復置曹州於金人故址今升爲府曹縣在府東南百二十里定陶縣在府東南五十里隋唐沛陰縣故城在曹縣西北六十里故定陶城在其東北宋乾德初置發運務於定陶鎮開寶九年改轉運使太平興國二年建康濟軍四年復置定陶縣隸焉是唐時曹州所治爲故定陶地非卽陶邱也而括地志云陶邱在曹州城中又云在濮州鄆城縣西南二十四里徐才宗國都城記云此城中高邱卽古之陶邱通典

云漢沛陰郡治卽今沛陰縣治郡縣志曰曹州理中城蓋古之
陶邱也一名左城似皆誤也左山在今曹縣西北六十五里水經注謂之左岡岡西南去隋唐所置沛陰城五里所謂左城也

雷夏

山海經曰澤中有雷神龍身而人頰鼓其腹則雷郡縣志雷夏
澤在濮州雷澤縣北郭外澠沮二水會同此澤右曾案鄭氏禹
貢注曰雍水沮水相觸而合入此澤中地理志曰雷澤在沛陰
成陽縣西北括地志曰雷夏澤在濮州雷澤縣郭外西北雍沮
二水在雷澤西北平地水經注曰雷澤在大成陽故城西北十
餘里其陂東西二十餘里南北十五里孫氏九州山水攷稱明
李之藻曰澤底有巉石深壑冬至前水吸而入如巨雷鳴故名

成陽故城在曹州府荷澤縣東北六十里雷澤故城在濮州東南九十里州在府北百里

荷澤

水經沛水又東北荷水出焉郡縣志荷澤在曹州沛陰縣東北九十里故定陶城東北沛陰縣南三里有荷山故名其澤爲荷澤又曰兗州魚臺縣本方與荷水卽沛水也一名五丈溝西自金鄉縣界流入去縣十里又東南流合泗水泗水東北自任城縣流入經縣東與荷水合又東流入徐州沛縣界辭氏曰荷水分沛自興仁府乘氏縣東至單州魚臺縣爲荷澤入泗水右曾案地理志荷澤在沛陰定陶東說文荷水出山陽湖陵南傅氏曰在定陶者言其澤也在湖陵者言其流也水經注荷水上承

沛水於沛陽縣東世謂之五大溝東逕陶邱北東北出合汜水

而北注沛濱又曰沛水分沛于定陶東北又東南逕乘氏縣故

城南

在今曹縣東北五十里

澤水森漫俱鍾睢泗東逕昌邑縣故城北

在金

鄆縣西北

又東過金鄉縣南又東過東緡縣北

在金鄉縣東北二十里

又

東過方與縣北

在魚臺縣北三里

又東過湖陸縣南

在魚臺縣東南六十里

東入

于泗水括地志曰蕢澤在定陶城東今名龍池亦名九卿陂

成陽

呂氏春秋堯葬穀林皇甫謐云穀林卽成陽史記堯作遊成陽

正義曰濮州雷澤縣是地理志沛陰成陽縣有堯冢靈臺後漢

書肅宗元和二年使使者祠唐堯于成陽靈臺安帝延光三年

又祠注曰郭緣生述征記曰成陽縣東南有堯母慶都墓上有

祠廟堯母陵俗亦名靈臺大母金石錄漢成陽靈臺碑亦以為

堯母家郡縣志雷澤縣本漢成陽縣古鄆伯國周武王封弟季

載于鄆案當云叔武漢以為縣堯陵在縣西三十里自堯即位至永

嘉三年二千七百二十一年記於碑紀元集考自唐堯至永嘉

年較此少五十五年堯母廟在縣西南四里右曾案水經注成陽城西二

里有堯陵陵南一里有堯母慶都陵稱曰靈臺鄉曰崇仁邑號

修義方興紀娶宋時尙存金末黃河決溢故迹遂湮

夾于魯衛之間

郡縣志曹州東至兗州二百七十里西北至滑州二百里

大野

郡縣志鄆州鉅野縣大野澤一名鉅野在縣東五里南北三百

里東西百餘里爾雅十藪魯有大野西狩獲麟于此澤獲麟堆
在縣東十二里右曾案何承天曰鉅野湖澤廣大南通洙泗北
連青齊城之所在則鉅野澤也衍東北出爲大野矣是澤本爲
洙水所滙自洙流枯竭鉅野漸微金元以來屢遭河患河徙後
遂涸爲平陸

蒙羽之野

郡縣志羽山在海州胸山縣西北百里又曰羽山在沂州臨沂
縣東南一百一十里與胸山縣分界右曾案地理志羽山在東
海祝其縣南今在山東沂州府郯城縣東七十里與江蘇海州
贛縣接界一名懲父山下有羽淵蒙山見魯頌

泗濱

王氏曰泗水在兗州泗水縣至淮陽軍宿遷縣南入淮右曾案
泗水源出泗水縣東陪尾山西南流至魚臺縣界會荷水南流
入朱竟又東南逕沛縣及徐州府東北又東南逕宿遷縣北又
東南至淮安府清河縣清口入淮自元明以來爲運河也

皇清經解續編卷千四十五終

仁和葉維幹校
上海范本禮校